



**ENTI RREGULLATOR I ENERGJISË
BORDI**

VENDIM

Nr.68, Datë 10.05.2019

MBI

**FILLMIN E PROCEDURËS PËR MIRATIMIN E DRAFT-KONTRATËS TIP PËR
SHIT-BLERJEN E ENERGJISË ELEKTRIKE NDËRMJET SHOQËRISË SË
PRODHIMIT TË ENERGJISË ELEKTRIKE/KESH SH.A, AKSIONET E SË CILËS
KONTROLLOHEN PLOTËSISHT OSE PJESËRISHT NGA SHTETI DHE
FURNIZUESIT TË SHËRBIMIT UNIVERSAL/OSHEE SH.A PËR PERIUdhËN
01.03.2019 – 31.12.2019.**

Në mbështetje të neneve 16, dhe 20 gërma “h” të Ligjit nr. 43/2015, “Për Sektorin e Energjisë Elektrike”, i ndryshuar, nenit 104, pika 4 gërma a, të Ligjit 44/2015 “Kodi i procedurës Administrative” nenet 5 dhe 14 të VKM nr. 244 datë 30.03.2016 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, i ndryshuar, dhe nenit 26 të Rregullores për Organizimin, Funksionimin dhe Procedurat e ERE-s, miratuar me Vendimin e bordit të ERE-s, nr. 96, datë 17.06.2016, bordi i ERE-s, në mbledhjen e tij të datës 10.05.2019, mbasi shqyrtoi relacionin e përgatitur nga Drejtoritë Teknike në lidhje me fillimin e procedurës “Për miratimin e draft-kontratës tip për shit-blerjen e energjisë elektrike ndërmjet shoqërisë së prodhimit të energjisë elektrike/Kesh sh.a, aksionet e së cilës kontrollohen plotësisht ose pjesërisht nga shteti dhe furnizuesit të shërbimit universal/Oshee sh.a për periudhën 01.03.2019 – 31.12.2019”.

Konstatoi se:

- Me shkresën nr.176/1 prot, datë 06.03.2019, ERE u ka kërkuar shoqërisë KESH sh.a, dhe OSHEE sh.a duke venë në dijeni edhe Ministrinë e Infrastukturës dhe Energjisë të depozitojnë Kontratën për shit – blerjen e sasisë së tepërt të energjisë elektrike që rezultojnë pas përmbushjes së kërkesës së klientëve që përfitojnë nga shërbimi universal, me qëllim mbulimin e humbjeve në rrjetin e shpërndarjes për vitin 2019, si dhe Kontratën Tip për shit-blerjen e energjisë elektrike ndërmjet shoqërisë së prodhimit të energjisë elektrike/KESH sha, aksionet e së cilës kontrollohen plotësisht ose pjesërisht nga shteti dhe Furnizuesit të Shërbimit Universal , në të kundërt ERE do të vendosë mbi hyrjen në fuqi

të kontratës pa miratimin e palëve, gjë që vendos palët para detyrimit për zbatimin e saj brënda një afati 30-ditor.

- **Me vendimin e bordit të ERE** nr.16 datë, Datë 18.02.2019 u vendos për shtyrjen e afatit të zbatimit të Kontratës për shit – blerjen e sasisë së tepërt të energjisë elektrike që rezulton pas përmbushjes së kërkesës së klientëve që përfitojnë nga shërbimi universal, me qëllim mbulimin e humbjeve në rrjetin e shpërndarjes, miratuar me Vendimin e ERE-s nr. 98, datë 30.04.2018, deri në paraqitjen e draft kontratës për vitin 2019 nga KESH sh.a dhe OSHEE sh.a dhe miratimin e saj nga ERE.
- Shoqëria KESH sh.a, në vijim të korrespondencës së sipërcituar, ka përcjellë në ERE shkresën me nr.1287/1 Prot., datë 13.03.2019, protokolluar me tonën me ne.176/2 prot, datë 15.03.2019, draft-kontratën mes KESH sh.a dhe OSHEE sh.a “Për shitblerjen e energjisë elektrike ndërmjet shoqërisë së prodhimit të energjisë elektrike “KESH” sh.a aksionet e së cilës kontrollohen plotësisht ose pjesërisht nga shteti dhe Furnizuesit të Shërbimit Universal, për furnizimin e klientëve fundorë, për periudhën kohore 01.03.2019 – 31.12.2019”. Në këtë shkresë KESH sh.a ka kërkuar komentet paraprake, me qëllim që palët të vijojnë me nënshkrimin përfundimtar të marrëveshjes, e cila do përcillet për miratim pranë ERE-s.
- Në vijim të sa më sipër ERE në shkresën e saj me nr.176/3 prot, datë 29.03.2019 bëri me dije se, do të japë opinionin gjatë procedurës së shqyrtimit të kontratës së nënshkruar dhe shpreh qëndrimin e saj me vendim. Gjithashtu lidhur me këtë kërkesë, ERE bëri me dije se: neni 5, pika 2, i VKM-së me nr.244, datë 30.06.2016 “Për miratimin e kushteve për vendosjen e detyrimit të shërbimit publik, që do të zbatohen ndaj të licensuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike” përcakton se; *Sasia e energjisë elektrike përcaktohet në kontratën e rregulluar ndërmjet palëve, që miratohet nga ERE, bazuar në një regjim shfrytëzimi të kapaciteteve gjeneruese dhe niveli historik mesatar vjetor të prodhimit.* Në këto kushte nuk është e nevojshme të pritet për koment/sugjerim të ERE-s për të vijuar më tej me lidhjen e kontratës ndërmjet “KESH” sh.a dhe “OSHEE” sh.a. ERE me anë të kësaj shkrese ka kërkuar që të procedohet me dërgimin e kontratës së dakortësuar dhe të nënshkruar mes palëve, që më pas ERE të vijojë me shqyrtimin dhe dhënien e opinionit nëpërmjet vendimmarrjes.
- Me shkresën nr.1716/1Prot, datë 08.04.2019, të KESH sh.a dhe OSHEE sh.a protokolluar me tonën me nr.176/4 prot, datë 08.04.2019, shoqëria KESH sh.a dhe OSHEE sh.a, kanë përcjellë në ERE për miratim “Kontratën për shit-blerjen e energjisë elektrike ndërmjet shoqërisë së prodhimit të energjisë elektrike/KESH sh.a, aksionet e së cilës kontrollohen plotësisht ose pjesërisht nga shteti dhe Furnizuesit të Shërbimit Universal/OSHEE sh.a për periudhën 01.03.2019-31.12.2019” të nënshkruar nga KESH sh.a dhe OSHEE sh.a.
- Kjo kontratë paraqitet e strukturuar nga njezetëtre (23) nene, një **shtojcë** e cila ka të bëjë me termat e përdorura në këtë kontratë. Pjesë intergrale e kësaj kontrate është dhe

ankesi 1, i cili nëpërmjet tabelës përkatëse përcakton parashikimin e prodhimit nga KESH sh.a për periudhën janar-dhjetor 2019, programin ditor, javor dhe mujor të kërkesës së konsumatorëve fundorë për energjinë elektrike në (MWh).

- Sa i takon objektit për shqyrtimin në ERE lidhur me sasinë e energjisë elektrike parashikuar për t’u prodhuar dhe livruar nga KESH sh.a për OSHEE sh.a /FSHU, me qëllim garantimin e furnizimit për klientët fundorë do jetë vetëm sasia totale vjetore 3,950,000 MWh dhe jo të dhënat e tjera të paraqitura në tabelat e aneksit 1 të kësaj kontrate
- Sasia e energjisë elektrike, për qëllime të furnizimit të Furnizuesit të Shërbimit Universal, miratohet nga Asambleja e Përgjithshme e shoqërisë së prodhimit të ngarkuar me detyrimin e shërbimit publik, duke u bazuar në nivelin historik mesatar vjetor të dhjetë viteve të fundit, sipas informacionit të dhënë nga ERE dhe regjimit racional të shfrytëzimit të kapaciteteve gjeneruese.
- Ministri i Infrastrukturës dhe Energjisë (në cilësinë e përfaqësuesit të shtetit si pronar i aksioneve të KESH sh.a në Asambleshën e Përgjithshme të shoqërisë) me vendimin nr.14430/3 datë 19.12.2018 “Mbi miratimin e programit financiar të shoqërisë KESH sh.a për vitin 2019” ka miratuar sasinë dhe çmimin e shitjes së energjisë elektrike për qëllime të furnizimit të Furnizuesit të Shërbimit Universal në kuadër të detyrimit për shërbim publik.
- Nga shqyrtimi paraprak i draftit konstatojmë se :
 - Palët kanë të drejtë të paraqesin për miratim në bordin e ERE këtë kontratë,
 - Kontrata e paraqitur për miratim, është e dakortësuar dhe e nënshkruar nga të dyja palët,
 - Kontrata ka dispozita të reja, krahasuar me kontratën në fuqi, shtyrë më vendimin e bordit të ERE nr.16 datë, Datë 18.02.2019,
 - Palët duhet të japin shpjegime në lidhje me përputhshmërinë e kësaj kontrate me dispozitat e VKM nr.244, datë 30.03.2016 “*Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike*”.

Për gjithë sa më sipër bordi i ERE :

Vendosi:

1. Fillimin e procedurës për miratimin e draft-kontratës tip për shit-blerjen e energjisë elektrike ndërmjet shoqërisë së prodhimit të energjisë elektrike/Kesh sh.a, aksionet e së cilës kontrollohen plotësisht ose pjesërisht nga shteti dhe furnizuesi i shërbimit universal/Oshee sh.a për periudhën 01.03.2019 – 31.12.2019.
2. Shoqëritë KESH sh.a. dhe OSHEE sh.a. të paraqesin në ERE, relacion shpjegues në lidhje me dispozitat e reja të kësaj kontrate krahasuar me atë në fuqi, duke mbajtur në konsideratë,

përputhshmërinë me VKM nr.244/2016, ruajtjen e standartit të kontratave tip të miratuara nga ERE si dhe qëndrimin e Ministrisë së Infrastrukturës dhe Energjisë (MIE).

3. Drejtoria Juridike dhe e Mbrojtjes së Konsumatorit të njoftojë shoqëritë OSHEE sh.a, KESH sh.a, dhe MIE për Vendimin e bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI
Petrit AHMETI